



Pou Piblikasyon Imedya: 15/12/2022

GOUVÈNÈ KATHY HOCHUL

GOUVÈNÈ HOCHUL DEWALE YON ZOUTI VERIFIKASYON DISPANSÈ KANABIS KI GEN LISANS

Devwale anvan premye vant legal pou adilt yo itilize, zouti verifikasyon an enfòme kliyan yo ke dispansè a gen lisans

Senbòl inivèsèl ki itilize pou deziyen chak pwodui kanabis yo vann legalman kòm reglemante

Pwochen kanpay "Pouki Achte Legal" la pral enfòme konsomatè kanabis yo sou chwa ki pi sekirité pou achte nan dispansè ki reglemante, lisansye

Gouvènè Kathy Hochul te devwale jodi a yon zouti verifikasyon "Dispansè Kanabis ki Gen Lisans nan Eta New York" ki pral afiche nan fenèt dispansè vant an detay ki gen lisans legal yo, ki ta dwe kòmanse ouvri anvan fen ane sa a. Deziyasyon an pral asire konsomatè yo konnen yo ap achte nan yon dispansè ki reglemante pa Eta New York. Yon senbòl inivèsèl sou chak pwodwi yo vann ap montre tou ke li konfòm ak estanda eta a fikse. Konbinezon an bay konsomatè yo sètitid ke yo te achte yon pwodwi teste, reglemante.

"Li enpòtan pou konsomatè Kanabis New York yo konprann risk ki genyen nan achte pwodwi ilegal ki pa teste epi pou yo gen zouti pou gide yo nan mache legal ki pi an sekirite ak sou wout pou ouvri", **Gouvènè Hochul te deklare.** "Zouti sa yo pral ede pwoteje sante publik ak ranfòse kapasite nou pou ofri mache kanabis ekitab lalwa nou an prevwa. N ap kontinye travay ak patnè nou yo nan minisipalite yo atravè eta a pou fè respekte lalwa epi fèmen operatè ilegal k ap vann pwodwi ki mete Nouyòkè yo an danje".

Pandan magazen yo ap kontinye ouvri nan premye trimès 2023, eta a pral lanse tou yon kanpay edikasyon publik ki rele "Poukisa Achte Legal New York," ki pral eksplike avantaj ki genyen nan achte kanabis legal pou adilt itilize pou konsomatè kanabis nan Eta New York. Kanpay la pral diskite sou risk ki genyen nan achte pwodwi ilegal ki pa teste, ak fason pwodwi sa yo febli objektif lwa kanabis New York la pou konstwi mache kanabis ki pi ekitab ak enklizif nan nasyon an.

Prezidan Konsèy pou Kontwòl Kanabis la, Tremaine Wright, te deklare, "Zouti pou verifikasyon dispansè Gouvènè Hochul te devwale jodi a ansanm ak kondisyon pou senbòl inivèsèl sou pwodwi reglemante yo fè nou gen yon bon depa. Li enpòtan pou konsomatè yo konnen epi gen konfyans ke nouvo mache legal kanabis la ofri pwodwi teste epi swiv pwotokòl ki fèt pou pwoteje sante publik. Efò sa yo konbine avèk ranfòsman solid, pral ede konstwi yon mache legal ki estab."

Chris Alexander, Direktè Egzekitif Biwo Jesyon Kanabis la, te deklare, "Nou pral sèvi ak tout zouti ki disponib pou ranfòse mache kanabis ekitab, legal pou adilt itilize ke n ap konstwi a, epi zouti verifikasyon dispansè Gouvènè Hochul te devwale jodi a se yon etap nan pwoesisis sa a. Ekip ranfòsman nou an ap ogmante patenarya li yo ak ogmante aktivite soti nan Buffalo rive nan Vil New York epi yo pral kontinye fè sa jiskaske magazen ak kamyon ilegal sa yo fèmen".

Zouti verifikasyon dispansè ki devwale jodi a pral afiche nan fenèt devan chak dispansè ki gen lisans legal. Li pral gen ladan yon kòd QR ke konsomatè yo ak mamm nan kominote lokal la ka eskane. Anplis de sa, yon vèsyon similè ap disponib pou moun ki gen lisans ki ap chèche kòmanse lavant yo atravè livrezon.

Chak pwodwi ki vann ap gen ladan tou yon "senbòl inivèsèl" ki deziyen li kòm yon pwodwi teste ak reglemante. Konsomatè yo ta dwe tcheke alafwa devan magazen an pou zouti verifikasyon dispansè a ak etikèt pwodwi a pou asire yo ap achte yon pwodwi ki pi an sekirite. Nou ka jwenn egzanp "senbòl inivèsèl" sa a [isit la](#), anba "Anbalaj ak etikèt".

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418